

**«ԲԵՐՂԻ ԲԺՇԿԱԿԱՆ ԿԵՆՏՐՈՆ» ՓԲԸ ԿԱՐԻՔՆԵՐԻ ՀԱՄԱՐ ԱՊՐԱՆՔԻ ՄԱՏԱԿԱՐԱՐՄԱՆ  
ՊԱՅՄԱՆԱԳԻՐ  
N ԲԲԿ-ԳՀԱՊՁԲ-22/03-7**

ք. Բերդ

«15» փետրվարի 2022 թ.

«Բերդի բժշկական կենտրոն» ՓԲԸ -ը ի դեմս տնօրեն Արմեն Մարդանյանի, որը գործում է «Բերդի բժշկական կենտրոն» ՓԲԸ -ի կանոնադրության հիման վրա, այսուհետ «Գնորդ», մի կողմից, և «Լինարե» ՍՊԸ -ը, ի դեմս տնօրեն Արթուր Շեգունցի, որը գործում է «Լինարե» ՍՊԸ -ի կանոնադրության հիման վրա, այսուհետ «Վաճառող» մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1. Վաճառողը պարտավորվում է սույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման ժամանակացույցով նախատեսված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1 Գնորդն իրավունք ունի՝**

2.1.1 Ապրանքը պայմանագրով սահմանված ժամկետում Վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են 5 օրից ավելի:

2.1.2 Եթե հանձնվել է անպատշաճ որակի՝ պայմանագրով նախատեսված տեխնիկական բնութագրին չհամապատասխանող ապրանք՝

ա) պահանջել հատուցելու ապրանքի անպատշաճ որակի լինելու պատճառով իր կատարած ծախսերը.

բ) չընդունել ապրանքն՝ իր հայեցողությամբ սահմանելով անպատշաճ որակի ապրանքը պայմանագրին համապատասխանող որակի ապրանքով անհատույց փոխարինման ողջամիտ ժամկետ և պահանջել Վաճառողից վճարելու պայմանագրի 6.3 կետով նախատեսված տուգանքը.

գ) հրաժարվել պայմանագիրը կատարելուց և պահանջել վերադարձնելու ապրանքի համար վճարված գումարը:

2.1.3 Եթե հանձնվել է պայմանագրով որոշվածից պակաս քանակի ապրանք, ապա՝

ա) պահանջել լրացնելու ապրանքի պակաս հանձնված քանակը,

բ) հրաժարվել հանձնված ապրանքից և դրա համար վճարելուց, իսկ եթե ապրանքի համար վճարվել է, ապա պահանջել վերադարձնելու վճարված գումարը և վճարելու պայմանագրի 6.2 կետով նախատեսված տույժը:

2.1.4 Եթե հանձնվել է տեսակի պայմանի խախտմամբ ապրանք, իր ընտրությամբ՝

ա) ընդունել տեսակի վերաբերյալ պայմանին համապատասխանող ապրանքը և հրաժարվել մնացած ապրանքներից.

բ) հրաժարվել հանձնված բոլոր ապրանքներից և պահանջել վճարելու պայմանագրի 6.2 կետով նախատեսված տույժը.

գ) պահանջել տեսակի վերաբերյալ պայմանին չհամապատասխանող ապրանքի անհատույց փոխարինում պայմանագրով նախատեսված տեսակին համապատասխան ապրանքով:

2.1.5 Վաճառողի կողմից մատակարարման ժամկետների խախտման դեպքում իր հայեցողությամբ սահմանել ապրանքի մատակարարման նոր ժամկետ և պահանջել Վաճառողից վճարելու պայմանագրի 6.2 կետով նախատեսված տույժը:

2.1.6 Վաճառողից պահանջել հատուցելու վնասները, եթե Գնորդը Վաճառողի կողմից պարտավորությունը խախտելու հետևանքով պայմանագրի լուծումից հետո ողջամիտ ժամկետում այլ անձից ավելի բարձր, սակայն ողջամիտ գնով գնել է ապրանք՝ պայմանագրով նախատեսվածի փոխարեն՝ պայմանագրով սահմանված և դրա փոխարեն կնքված գործարքի գների միջև տարբերության չափով, ինչպես նաև ապրանքն այլ անձից ձեռք բերելու համար իր կատարած բոլոր անհրաժեշտ և ողջամիտ ծախսերը:

2.1.7 Միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը.

2.1.7.1 Վաճառողի կողմից պայմանագիրը խախտելն էական է համարվում, եթե՝

ա) մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում.

բ) ապրանքի մատակարարման ժամկետները խախտվել են 5 օրից ավելի.

2.1.8 Չննել ապրանքը և հայտնաբերված թերությունների մասին անհապաղ տեղեկացնել Վաճառողին:

**2.2 Գնորդը պարտավոր է՝**

2.2.1 Կատարել պայմանագրին համապատասխան մատակարարված ապրանքի ընդունումն ապահովող բոլոր անհրաժեշտ գործողությունները:

2.2.2 Վաճառողի հանձնած ապրանքից պայմանագրին համապատասխան հրաժարվելու դեպքում, ապահովել այդ ապրանքի պատասխանատու պահպանությունը և դրա մասին անհապաղ տեղեկացնել Վաճառողին:

2.2.3 Պայմանագրով նախատեսված կարգով և ժամկետներում մատակարարված ապրանքն ընդունելու դեպքում Վաճառողին վճարել վերջինիս վճարման ենթակա գումարները, իսկ վճարման ժամկետի խախտման դեպքում՝ նաև պայմանագրի 6.5 կետով նախատեսված տույժը:

2.2.4 Ապրանքի քանակի, տեսականու, որակի մասին պայմանագրի պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո՝ ողջամիտ ժամկետում, երբ պայմանագրի համապատասխան պայմանի խախտումը պետք է հայտնաբերված լինե՝ ելնելով ապրանքի բնույթից և նշանակությունից:

2.2.5 Պայմանագրի 2.3.3 կետի համաձայն պայմանագրի լուծումից հետո Վաճառողին հատուցել վերջինիս պատճառված և սահմանված կարգով հիմնավորված վնասները:

### **2.3 Վաճառողն իրավունք ունի՝**

2.3.1 Գնորդից պահանջել ընդունելու պայմանագրով նախատեսված կարգով, ծավալներով, ժամկետներում և հասցեով մատակարարված ապրանքը:

2.3.2 Գնորդից պահանջել վճարելու պայմանագրով նախատեսված կարգով, ծավալներով, ժամկետներում և հասցեով մատակարարված և Գնորդի կողմից ընդունված ապրանքի համար իրեն վճարման ենթակա գումարները:

2.3.3 Միակողմանի լուծել պայմանագիրը (լրիվ կամ մասնակի), եթե Գնորդն էականորեն խախտել է պայմանագիրը:

2.3.3.1 Գնորդի կողմից պայմանագիրը խախտելն էական է համարվում, եթե բազմիցս խախտվել են ապրանքի համար վճարելու ժամկետները:

2.3.4 Գնորդի համաձայնությամբ վաղաժամկետ մատակարարել ապրանքը:

### **2.4 Վաճառողը պարտավոր է՝**

2.4.1 Գնորդին հանձնել ապրանքը՝ պայմանագրով նախատեսված կարգով, ծավալներով, ժամկետներում և հասցեով:

2.4.2 Ապահովել ապրանքի մատակարարումը պայմանագրի 2.1.2 կետի բ) ենթակետին և (կամ) 2.1.5 կետին համապատասխան՝ Գնորդի կողմից սահմանված ժամկետներում:

2.4.3 Գնորդին հանձնել երրորդ անձանց իրավունքներից ազատ ապրանք:

2.4.4 Գնորդին հանձնել պայմանագրով նախատեսված որակի և քանակի ապրանք՝ պայմանագրով նախատեսված ժամկետներում և հասցեով, իսկ Գնորդի պահանջով տրամադրել ապրանքի որակը հավաստող՝ ՀՀ օրենսդրությամբ սահմանված փաստաթղթեր:

2.4.5 Թերի մատակարարում թույլ տալու դեպքում, պայմանագրով նախատեսված կարգով, լրացնել թերի մատակարարվածը:

2.4.6 Հետ տանել Գնորդի կողմից պայմանագրի 2.2.2 կետին համապատասխան՝ պատասխանատու պահպանության ընդունված ապրանքը կամ ողջամիտ ժամկետում տնօրինել այն, ինչպես նաև հատուցել ապրանքը պատասխանատու պահպանության ընդունելու, այն իրացնելու կամ Վաճառողին վերադարձնելու հետ կապված անհրաժեշտ ծախսերը:

2.4.7 Պայմանագրով նախատեսված դեպքերում վճարել պայմանագրի 6.2 և 6.3 կետերով նախատեսված տույժը և տուգանքը:

2.4.8 Գնորդին հանձնել ապրանքի պատկանելիքները և համապատասխան փաստաթղթերը:

2.4.9 Պայմանագրի 2.1.7 կետի համաձայն պայմանագրի լուծումից հետո Գնորդին հատուցել վերջինիս պատճառված և սահմանված կարգով հիմնավորված վնասները:

2.4.10 Որակավորման և պայմանագրի ապահովում ներկայացրած անձը պարտավոր է ապահովումների գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Գնորդին:

## **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ**

3.1 Պայմանագրի գինը կազմում է 2211128 (երկու միլիոն երկու հարյուր տասնմեկ հազար մեկ հարյուր քսանութ) ՀՀ դրամ, ներառյալ ԱԱՀ-ն: Պայմանագրի գինը ներառում է պայմանագրի կատարումն ապահովելու նպատակով Վաճառողի կողմից կատարվելիք բոլոր վճարները (ծախսերը), այդ թվում՝ հարկերը, տուրքերը, փոխադրման, ապահովագրման ծախսերը, պարգևավճարները և ակնկալվող շահույթը:

Ապրանքի մատակարարման գինը կայուն է և Վաճառողն իրավունք չունի պահանջել ավելացնելու, իսկ Գնորդը նվազեցնելու այդ գինը:

3.2 Գնորդն իրեն մատակարարված ապրանքի դիմաց վճարում է ՀՀ դրամով անկանխիկ՝ դրամական միջոցները Վաճառողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը:

## **4. ԱՊՐԱՆՔԻ ՈՐԱԿԸ ԵՎ ԵՐԱՇԽԻՔԸ**

4.1 Վաճառողը երաշխավորում է մատակարարված ապրանքի որակի համապատասխանությունը պետական ստանդարտի պահանջներին:

## **5. ԱՊՐԱՆՔԻ ՀԱՆՁՆՈՒՄԸ ԵՎ ԸՆԴՈՒՆՈՒՄԸ**

5.1 Մատակարարված ապրանքն ընդունվում է Գնորդի և Վաճառողի միջև հանձնման-ընդունման արձանագրության ստորագրմամբ: Ապրանքը Գնորդին հանձնելու փաստը ֆիքսվում է Գնորդի և Վաճառողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ապրանքի մատակարարման համար նախատեսված օրը ներառյալ Վաճառողը Գնորդին է տրամադրում իր կողմից ստորագրված՝ ապրանքը Գնորդին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «Էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Վաճառողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

5.2 Եթե մատակարարված ապրանքը համապատասխանում է պայմանագրի պայմաններին, Գնորդը պայմանագրի 5.1 կետում նշված փաստաթղթերը ստանալու օրվան հաջորդող աշխատանքային օրվանից հաշված \_\_\_\_ աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Վաճառողին է տրամադրում իր կողմից

ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

5.3 Եթե մատակարարված ապրանքը կամ դրա մի մասը չի համապատասխանում պայմանագրի պայմաններին, ապա Գնորդը չի ստորագրում հանձնման-ընդունման արձանագրությունը և պայմանագրի 5.2 կետում նշված ժամկետում էլեկտրոնային գնումների armeps համակարգի միջոցով Վաճառողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Գնորդը ձեռնարկում է նման իրավիճակի համար պայմանագրով նախատեսված միջոցները և Վաճառողի նկատմամբ կիրառում է պայմանագրով նախատեսված պատասխանատվության միջոցներ:

5.4 Եթե պայմանագրի 5.2 կետով սահմանված ժամկետում Գնորդը չի ընդունում մատակարարված ապրանքը կամ չի մերժում դրա ընդունումը, ապա մատակարարված ապրանքը համարվում է ընդունված և պայմանագրի 5.2 կետով սահմանված վերջնաժամկետին հաջորդող աշխատանքային օրը Գնորդը էլեկտրոնային գնումների համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը:

## 6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1 Վաճառողը պատասխանատվություն է կրում հանձնած ապրանքի որակի և պայմանագրով նախատեսված մատակարարման ժամկետների պահպանման համար:

6.2 Վաճառողի կողմից պայմանագրով նախատեսված ապրանքի մատակարարման ժամկետների խախտման դեպքում Վաճառողից յուրաքանչյուր ուշացված աշխատանքային օրվա համար գանձվում է տույժ՝ մատակարարման ենթակա, սակայն չմատակարարված ապրանքի գնի 0,05 (զրո ամբողջ հինգ հարյուրերորդական) տոկոսի չափով:

6.3 Պայմանագրի 1.1 կետում նշված տեխնիկական բնութագրին չհամապատասխանող ապրանք մատակարարելու յուրաքանչյուր դեպքում Վաճառողից գանձվում է տուգանք՝ պայմանագրի գնի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ապրանքի մատակարարումը սույն պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում:

6.4 Պայմանագրի 6.2 և 6.3 կետերով նախատեսված տույժը և տուգանքը հաշվարկվում և հաշվանցվում են Վաճառողին վճարման ենթակա գումարների հետ:

6.5 Գնորդի կողմից պայմանագրի 3.3 կետով նախատեսված ժամկետի խախտման համար Գնորդի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով նախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 7. ԱՆՀԱՂԱՎՈՐՈՒԹՅԱՆ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 8. ԱՅԼ ՊԱՅՄԱՆՆԵՐ

8.1 Պայմանագիրն ուժի մեջ է մտնում Կողմերի ստորագրման պահից և գործում է մինչև կողմերի՝ պայմանագրով ստանձնած պարտավորությունների ողջ ծավալով կատարումը:

8.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ պայմանագիրը կնքելու նպատակով կազմակերպված գնման գործընթացում, մինչև պայմանագրի կնքումը, Վաճառողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Գնորդը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Գնորդը չի կրում պայմանագրի միակողմանի լուծման հետևանքով Վաճառողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Գնորդի կրած վնասներն այն ծավալով, որի մասով պայմանագիրը լուծվել է:

8.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

8.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ապրանքի ծավալների կամ ձեռք բերվող ապրանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

8.8 Ապրանքի մատակարարման ժամկետը կարող է երկարաձգվել մինչև պայմանագրով այդ ժամկետը լրանալը՝ Վաճառողի առաջարկության առկայության դեպքում, պայմանով, որ Գնորդի մոտ չի վերացել ապրանքի օգտագործման պահանջը, իսկ Վաճառողի առաջարկությունը ներկայացվել է ոչ ուշ, քան պայմանագրով ի սկզբանե մատակարարման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում ապրանքի մատակարարման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

8.9 Պայմանագրի պատշաճ կատարման պայմաններում կողմերի (Վաճառող կամ Գնորդ) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Վաճառողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Վաճառողը:

8.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցումը:

8.11 Վաճառողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Գնորդը հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Վաճառողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Գնորդը այն ուղարկվում է նաև Վաճառողի էլեկտրոնային փոստին:

8.12 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

8.13 Պայմանագիրը կազմված է \_\_\_\_\_ էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ: Պայմանագրի N 1, N 2, N 3 և N 3.1 հավելվածները, համարվում են պայմանագրի անբաժանելի մասը:

8.14 Պայմանագրի հետ կապված հարաբերությունների նկատմամբ կիրառվում է Հայաստանի Հանրապետության իրավունքը:

## 9. Կողմերի հասցեները, բանկային վավերապայմանները և ստորագրությունները

### ԳՆՈՐԴ

«Բերդի բժշկական կենտրոն» ՓԲԸ  
Տավուշի մարզ, ք. Բերդ, Ա. Մանուկյան, 25  
Բանկ «Արդշինբանկ» ՓԲԸ «Տավուշ» մ/ճ  
Հ/Հ 2477800186580010  
ՀՎՀՀ 07806692  
տնօրեն՝ Ա. Մարդանյան

/ստորագրություն/  
Կ.Տ

### ՎԱՃԱՌՈՂ

«Լինարե» ՍՊԸ

ք. Երևան, Նանսենի 7/43 ոչ բնակ. տար.  
«Հայէկոնոմբանկ» ԲԲԸ, Խորհրդային մ/ճ  
Հ/Հ 163078039498  
ՀՎՀՀ 09212215  
տնօրեն՝ Ա. Շեգունց

/ստորագրություն/  
Կ.Տ

ՏԵՆԻՍԻԿԱԿԱՆ ԲՆՈՒԹԱԳԻՐ - ԳՆԱՄԱՆ ԺԱՄԱՆԱԿԱՅՈՒՅՑ\*

Ապրանքի

մատակարարման

| Իրավեր<br>նախատե<br>նական<br>չափաբ<br>ածնի<br>համարը | գնումների<br>պլանով<br>նախատե<br>նական<br>ծածկագիրը<br>ըստ ԳՄԱ<br>դասակարգմ<br>ան (CPV) | անվանումը                                                               | ապրանքային նշանը,<br>մակիշը և արտադրողի<br>անվանումը                                            | տեխնիկական բնութագիրը*                                                                                                                                                      | չափման<br>միավոր<br>ը | միավոր<br>գինը/ՀՀ<br>դրամ | ընդհանուր<br>գինը/ՀՀ<br>դրամ | ընդհանու<br>ր քանակը | հասցեն                                               | ենթակա<br>քանակը | Ժամկետ**                                                                                                                                                                                                           |
|------------------------------------------------------|-----------------------------------------------------------------------------------------|-------------------------------------------------------------------------|-------------------------------------------------------------------------------------------------|-----------------------------------------------------------------------------------------------------------------------------------------------------------------------------|-----------------------|---------------------------|------------------------------|----------------------|------------------------------------------------------|------------------|--------------------------------------------------------------------------------------------------------------------------------------------------------------------------------------------------------------------|
| 24                                                   | 33791300                                                                                | Միկրոպիպետակայի<br>ծայրակալ կապույտ<br>1000մկլ                          | HUIDA Medical, Pipett<br>Tips, «YANCHENG HUIDA<br>IMP.& EXP.CO.,LTD                             | Նախատեսված է մանրէաբանական<br>լաբորատորիայում հեղուկի ավտոմատ<br>չափման աշխատանքների համար: 100-<br>1000մկլ N100                                                            | հատ                   | 2,64                      | 132000                       | 50000                | Տավուշի<br>մարզ,<br>ք.Բերդ,<br>Ա.<br>Մանուկ<br>ան,25 | 50000            | 2022թ-ի<br>ընթացքում<br>յուրաքանչյուր<br>անգամ<br>պատվիրատուի<br>9 պատվեր<br>ստանալուց<br>հետո 5<br>աշխատանքային<br>և օրվա<br>ընթացքում<br>գնորդի կողմից<br>պատվիրված<br>քանակին և<br>տեսակին<br>համապատաս<br>խան: |
| 25                                                   | 33791300                                                                                | Միկրոպիպետակայի<br>ծայրակալ դեղին<br>100-200մկլ                         | HUIDA Medical, Pipett<br>Tips, «YANCHENG HUIDA<br>IMP.& EXP.CO.,LTD                             | Նախատեսված է մանրէաբանական<br>լաբորատորիայում հեղուկի ավտոմատ<br>չափման աշխատանքների համար: 100-<br>200մկլ N100                                                             | հատ                   | 1,056                     | 52800                        | 50000                |                                                      | 50000            |                                                                                                                                                                                                                    |
| 26                                                   | 33791300                                                                                | Միկրոպիպետակայի<br>ծայրակալ սպիտակ<br>10-20մկլ                          | HUIDA Medical, Pipett<br>Tips, «YANCHENG HUIDA<br>IMP.& EXP.CO.,LTD                             | Նախատեսված է մանրէաբանական<br>լաբորատորիայում հեղուկի ավտոմատ<br>չափման աշխատանքների համար: 10-<br>20մկլ N100                                                               | հատ                   | 0,96                      | 48000                        | 50000                |                                                      | 50000            |                                                                                                                                                                                                                    |
| 27                                                   | 33141144                                                                                | Ասեղ վակուումային<br>փորձանոթի համար<br>21G                             | YAOHUA GROUP, Pen<br>Needle, «Shandong Yaohua<br>Medical Instrument<br>Corporation»             | Արյուն վերցնելու վակուումային<br>համակարգի ասեղ, ստերիլ, չափսը՝ 21G:                                                                                                        | հատ                   | 27                        | 54000                        | 2000                 |                                                      | 2000             |                                                                                                                                                                                                                    |
| 28                                                   | 33141144                                                                                | Ասեղ վակուումային<br>փորձանոթի համար<br>22G                             | YAOHUA GROUP, Pen<br>Needle, «Shandong Yaohua<br>Medical Instrument<br>Corporation»             | Արյուն վերցնելու վակուումային<br>համակարգի ասեղ, ստերիլ, չափսը՝ 22G:                                                                                                        | հատ                   | 32                        | 160000                       | 5000                 |                                                      | 5000             |                                                                                                                                                                                                                    |
| 36                                                   | 33191310                                                                                | Վակուումային<br>փորձանոթ<br>պարունակող GEL<br>ակտիվատոր 5մլ<br>13*100մմ | YAOHUA GROUP, Gel Clot,<br>«Shandong Yaohua Medical<br>Instrument Corporation»                  | Ստերիլ վակուումային փորձանոթ շիճուկի<br>անջատման համար(հեղուկ)Gel&Clot,<br>Տարորդություն՝ 5մլ: Փորձանոթի նյութը՝<br>PET կամ ապակի: Կախարիչի գույնը՝<br>դեղին:               | հատ                   | 42,95                     | 644250                       | 15000                | 15000                                                |                  |                                                                                                                                                                                                                    |
| 37                                                   | 33191310                                                                                | Վակուումային<br>փորձանոթ (NaCit)                                        | YAOHUA GROUP,9NC<br>Sodium Citrate Tube,<br>«Shandong Yaohua Medical<br>Instrument Corporation» | Վակուումային փորձանոթ 3,2% նատրիում<br>ցիտրատով, պտտատակալոր:<br>Փորձանոթի նյութը՝ PET կամ ապակի<br>Կախարիչի գույնը՝ կապույտ:                                               | հատ                   | 38,85                     | 582750                       | 15000                | 15000                                                |                  |                                                                                                                                                                                                                    |
| 40                                                   | 38431700                                                                                | Հեմոմետր Սալի<br>ապակյա բնիկներով                                       | YAOHUA GROUP,<br>Հեմոմետր, «Shandong<br>Yaohua Medical Instrument<br>Corporation»               | Հեմոմետր Սալիի Sahli Haemometer<br>միջուկը՝ ապակյա: Նախատեսված է<br>արյան մեջ հեմոգլոբինի որոշման<br>համար՝ կոլորիմետրիկ եղանակով<br>10գր/լիտրից 140գր/լիտր<br>դիսպագնումով | հատ                   | 15600                     | 46800                        | 3                    | 3                                                    |                  |                                                                                                                                                                                                                    |

|    |          |                                              |                                                        |                                                                                         |     |       |         |      |      |
|----|----------|----------------------------------------------|--------------------------------------------------------|-----------------------------------------------------------------------------------------|-----|-------|---------|------|------|
| 41 | 33141130 | Անան բժշկական անալիզի համար 60մլ             | HUIDA Medical, Tube, «YANCHENG HUIDA IMP.& EXP.CO.,LTD | Անալիզների համար պլաստիկ տարա, ստերիլ և կախարչիդ: Ծավալը՝ ոչ պակաս և ոչ ավել 55մլ-65մլ: | հատ | 65,88 | 237168  | 3600 | 3600 |
| 42 | 33191310 | Ցննորիֆուգային ապակյա փորձանոթ 10 մլ         | МиниМед, Tube                                          | Ապակյա փորձանոթ նախատեսված ցննորիֆուգայի համար: Ծավալը՝ 10մլ                            | հատ | 99,6  | 199200  | 2000 | 2000 |
| 43 | 33191310 | Ցննորիֆուգային փորձանոթ նիշավոր 10 մլ ապակյա | МиниМед, Tube                                          | Ապակյա փորձանոթ նախատեսված ցննորիֆուգայի համար: Ծավալը՝ 10մլ, 13մմx100մմ նիշավոր        | հատ | 117,6 | 11760   | 100  | 100  |
| 44 | 33191310 | Ցննորիֆուգային պլաստմասե փորձանոթ 10մլ       | HUIDA Medical, Tube, «YANCHENG HUIDA IMP.& EXP.CO.,LTD | Պլաստմասե փորձանոթ նախատեսված ցննորիֆուգայի համար: Ծավալը՝ 10մլ                         | հատ | 54    | 5400    | 100  | 100  |
| 64 | 33141100 | Հենատուրոգիական պարկեր կրկնակի               | Wego, Ravimed, Hemakon                                 | Հենատուրոգիական պարկեր՝ կրկնակի                                                         | հատ | 1850  | 37000   | 20   | 20   |
|    |          | Ընդամենը                                     |                                                        |                                                                                         |     |       | 2211128 |      |      |

\* Հանձնելու պահին մնացորդային պիտանեություն ժամկետը՝ մինչև 1 տարի պիտանեության ժամկետ ունեցող ապրանքների համար առնվազն՝ 75% , 1-2 տարի պիտանեության ժամկետ ունեցող ապրանքների համար առնվազն՝ 2/3, 2 տարուց ավել պիտանեության ժամկետ ունեցող ապրանքների համար առնվազն՝ 15 ամիս: Որակի սերտիֆիկատներ՝ ISO13485 կամ ГОСТ Р ИСО 13485 կամ համարժեք:

\* Մատակարարման վերջնաժամկետը չի կարող ավել լինել, քան տվյալ տարվա դեկտեմբերի 25-ը:

## ԳՆՈՐԴ

«Բերդի բժշկական կենտրոն» ՓԲԸ  
Տավուշի մարզ, ք. Բերդ, Ա. Մանուկյան, 25  
Բանկ «Արշինբանկ» ՓԲԸ «Տավուշ» մ/ճ  
Հ/Հ 2477800186580010  
ՀՎՀՀ 07806692  
տնօրեն՝ Ա. Մարդանյան



/ստորագրություն/

Կ.Տ

## ՎԱՃԱՌՈՂ

«Լինարե» ՍՊԸ  
ք. Երևան, Նանսենի 7/43 ոչ բնակ. տար.  
«Հայէկոնոմբանկ» ՓԲԸ, Խորհրդային մ/ճ  
Հ/Հ 163078039498  
ՀՎՀՀ 09212215  
տնօրեն՝ Ա. Շեգունց



/ստորագրություն/

Կ.Տ

ՎՃԱՐՄԱՆ ԺԱՄԱՆԱԿԱՑՈՒՅՑ\*

| Ապրանքի                              |                                                                           | դիմաց վճարումները նախատեսվում է իրականացնել 2022 թ-ին՝ ըստ ամիսների, այդ թվում** |           |           |      |       |       |         |       |        |           |          |          |
|--------------------------------------|---------------------------------------------------------------------------|----------------------------------------------------------------------------------|-----------|-----------|------|-------|-------|---------|-------|--------|-----------|----------|----------|
| հրավերով նախատեսված չափաբաժնի համարը | գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV) | անվանումը                                                                        | մոխիդուսկ | մոխիմտզվի | տմոր | լվմոմ | ովմոր | ովդուսկ | ովիսկ | ոստոսո | զմրդտուդո | վմրդտուկ | վմրդտուկ |
| 24                                   | 33791300                                                                  | Միկրոպիպետային ծայրակալ կապույտ 1000մկ                                           |           |           |      |       |       |         |       |        |           | 132000   | 132000   |
| 25                                   | 33791300                                                                  | Միկրոպիպետային ծայրակալ դեղին 100-200մկ                                          |           |           |      |       |       |         |       |        |           | 52800    | 52800    |
| 26                                   | 33791300                                                                  | Միկրոպիպետային ծայրակալ սպիտակ 10-20մկ                                           |           |           |      |       |       |         |       |        |           | 48000    | 48000    |
| 27                                   | 33141144                                                                  | Ասեղ վակուումային փորձանոթի համար 21G                                            |           |           |      |       |       |         |       |        |           | 54000    | 54000    |
| 28                                   | 33141144                                                                  | Ասեղ վակուումային փորձանոթի համար 22G                                            |           |           |      |       |       |         |       |        |           | 160000   | 160000   |
| 36                                   | 33191310                                                                  | Վակուումային փորձանոթ պարունակող GEL ակտիվատոր 5մլ 13*100մմ                      |           |           |      |       |       |         |       |        |           | 644250   | 644250   |
| 37                                   | 33191310                                                                  | Վակուումային փորձանոթ (NaCit)                                                    |           |           |      |       |       |         |       |        |           | 582750   | 582750   |
| 40                                   | 38431700                                                                  | Հեմոմետր Սաի ապակյա բնիկներով                                                    |           |           |      |       |       |         |       |        |           | 46800    | 46800    |
| 41                                   | 33141130                                                                  | Աման բժշկական անալիզի համար 60մլ                                                 |           |           |      |       |       |         |       |        |           | 237168   | 237168   |
| 42                                   | 33191310                                                                  | Ֆենտրիֆուգային ապակյա փորձանոթ 10 մլ                                             |           |           |      |       |       |         |       |        |           | 199200   | 199200   |
| 43                                   | 33191310                                                                  | Ֆենտրիֆուգային փորձանոթ նիշակիր 10 մլ ապակյա                                     |           |           |      |       |       |         |       |        |           | 11760    | 11760    |
| 44                                   | 33191310                                                                  | Ֆենտրիֆուգային պլաստման փորձանոթ 10մլ                                            |           |           |      |       |       |         |       |        |           | 5400     | 5400     |
| 64                                   | 33141100                                                                  | Հեմատոլոգիական պարկեր կրկնակի                                                    |           |           |      |       |       |         |       |        |           | 37000    | 37000    |


\* Ապրանքի դիմաց վճարումները կկատարվեն՝ ըստ մատակարարման՝ 10 աշխատանքային օրվա ընթացքում:

ԳՆՈՐԴ

«Բերդի բժշկական կենտրոն» ՓԲԸ  
Տավուշի մարզ, ք. Բերդ, Ա. Մանուկյան, 25  
Բանկ «Արդշինբանկ» ՓԲԸ «Տավուշ» մ/ճ  
Հ/Հ 2477800186580010  
ՀՎՀՀ 07806692  
տնօրեն՝ Ա. Մարդանյան

ՎՃԱՏԱՌՈՂ

«Լինարե» ՍՊԸ  
ք. Երևան, Նանսենի 7/43 ոչ բնակ. տար.  
«Հայէկոնոմբանկ» ԲԲԸ, Խորհրդային մ/ճ  
Հ/Հ 163078039498  
ՀՎՀՀ 09212215  
տնօրեն՝ Ա. Շեգունց



/ստորագրություն/ Կ.Տ

/ստորագրություն/ Կ.Տ